

**LANKIDETZA-HITZARMENA,
ENPRESARE ELKARTEAREN ETA
BERGARAKO UDALAREN ARTEKOA**

Bergaran, 2022ko martxoaren 28an.

BILDURIK


Alde batetik, Ainhoa Lete Zabaleta, Bergarako Udaleko behin-behineko alkatea eta erakunde horren ordezkaria dena, M^a Concepción Ugalde Izeta udaleko idazkariaren laguntzarekin.

Bestetik, Xabier Berasategi Sagastume, ENPRESARE elkartearen lehendakaria, elkartearen izenean.



Azken honek zinpean Alkatearen aurrean aitortu du ez bera eta ez berak ordezkatzeko duen elkarte ez daudela 38/2003 Legeko 13. artikuluko 2. eta 3. idatz-zatietan aurreikusitako debeku-kasuetan dirulaguntzak jasotzeko; eta ondoren elkarri hitzarmen hau sinatzeko ahalmena aitortu diote eta honako hau

ADIERAZI DUTE:



Enpresare elkarteak **ENPRESARE proiektua garatzen jarraitzeko** asmoa azaldu zuen 2021eko urritik 2022ko irailera bitartean eta proiektu hori burutzeko dirulaguntza eskatuta, 2021eko azaroaren 25ean emandako Dekretu baten bitartez erabaki zen 30.000 euroko dirulaguntza ematea eta bi aldeek bateberrak zehazten zituen hitzarmena onartzea. Hitzarmena egun berean sinatu zen.

Hitzarmen horretan proiektu hori burutu eta justifikatzeko 2022ko irailaren 30era arteko epea ematen zen.

Orain elkarteak bi eskari berri egin ditu. Eskariak honakoak dira:

- Beraien kudeaketa errazteko, eraginkorragoa izateko eta balantzearen gardentasunerako ere, hitzarmena 2022ko abendura bitartean luzatzea eta 10.000 euroko laguntza gehigarria ematea (2021ean emandako dirulaguntzaren zati proportzionala).
- "Bergara eta inguruko enpresen erronkak, egoera eta errekupeazioa COVID-aren ondoren" proiektua lantzeko 15.000 euroko dirulaguntza ematea.
- Dirulaguntza hilabeteka banatuta ordaintzea.

Hori ikusita, 2022ko martxoaren 24an emandako dekretu baten bitartez erabaki da:



- 2021eko hitzarmenaren iraunaldia 2022ko abenduaren 31ra arte luzatzea eta 10.000 euroko dirulaguntza gehigarria ematea.
- "Bergara eta inguruko enpresen erronkak, egoera eta errekuerazioa COVID-aren ondoren" proiektua burutzeko 15.000 euroko dirulaguntza ematea.
- Dirulaguntzaren ordainketa hilerokoa izatea.
- Bi aldeen betebeharrak hitzarmen batean jasotzea.

Beraz, honako hitzarmen hau egitea erabaki dute, beronen klausulak ondorengoak izanik:

KLAUSULAK

LEHENENGOA: ENPRESARE elkarteak 2021eko urriaren 14an aurkeztutako proiektua burutzeko konpromisoa hartzen du 2022ko abenduaren 31ra arte.

Proiektu horren eginbehar nagusiak honako hauek izango dira:

- Enpresekin ekimenak bideratzen jarraitu.
- Gai desberdinetako jardunaldiak eskaini.
- Arlokako mahaiak lantzen jarraitu.
- Ferietara proiektua landu.
- Negozio eredia berraztertu.
- Enpresa bazkide kopurua gehitu.
- Enpresen partaidetza eta konpromisoa sustatu.
- Komunikazio plana zehaztu eta ezarri.
- Baliabide teknikotan prestakuntza jaso.
- Ordezkaritza-lana: Sare eta Agenteen artean.
- Beste erakunde eta Agenteekin erlazionatu eta lankidetzat sustatu: Basque Precision Technology District BPTD, Goierri Valey, Iraurgi Berritzen, Asigroup, Ner... besteak beste.

Bestalde, "Bergara eta inguruko enpresen erronkak, egoera eta errekuerazioa COVID-aren ondoren" proiektua ere burutzeko konpromisoa hartzen du 2022ko abenduaren 31 baino lehen.

Halaber, bi proiektuei dagokienean, honako konpromiso hauek hartzen ditu elkarteak:

- Proiektuaren fase bakoitzaren jarraipena, prozesuaren azalpena jasoko duen txostena aurkeztea Bergarako Udalari. (3 hilerok)
- Proiektu honen inguruan publizitaterik egingo balitz, Bergarako Udalaren laguntza duela adieraztea.
- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.



Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena gaztelerakoaren aurretik eginez.

Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa gaztelerakoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.

- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan bultzatu eta gehituko da (zuzendaritzan, bazkideen artean, erabiltzaileen artean eta abarretan).

BIGARRENA.- Begarako Udalak honako dirulaguntzak emateko konpromisoa hartzen du:

- 40.000 euroko dirulaguntza 2021eko urriaren 14an aurkeztutako proiektua (gero aldatua) burutzeko.

- 15.000 euroko dirulaguntza ematea "Begara eta inguruko enpresen erronkak, egoera eta errekuerazioa COVID-aren ondoren" proiektua burutzeko.

Dirulaguntza horiek hitzarmena sinatzen den hurrengo hilabetetik aurrera ordainduko dira hilerokotan banatuta. Beraz, eta kontuan izanda 2021eko urriaren 14ko proiektua burutzeko jadanik 18.000 euro aurrerakin gisa ordainduta dituela Udalak, ordaintzeko geratzen diren 22.000 euroak martxoaren 1etik aurrera hilerokotan banatuta ordainduko dizkio. Hau da, 2.200 euro/hileko transferentzia eginda elkartearen kontura.

Bestalde, "Begara eta inguruko enpresen erronkak, egoera eta errekuerazioa COVID-aren ondoren" proiektua burutzeko 1.500 euro/hilero ordainduko dizkio.

Ordainketa horiek aurrerakin gisa egiten dira eta 2022ko abenduaren 31 baino lehen proiektuen memoriak aurkeztu beharko ditu elkarteak, eta baita honako dokumentazio hau ere emandako dirulaguntzak justifikatzeko:

a) Dirulaguntza jasotzeko eskaera-orria, behar bezala beteta eta sinatuta.

b) Jarduerako gastuen zerrenda sailkatu bat, onuradunak edo ordezkariak sinatutakoa, eta aitortzailearen identifikazioarekin. Bertan datu hauek jasoko dira:

- Hartzekoduna (NAN, IFK, izen-abizenak, helbide soziala, balego).
- Dokumentuaren identifikazioa (faktura-zenbakia...).
- Fakturatutako –edo pareko dokumentuan jasotako– gastuaren kontzeptua.
- Fakturaren –edo pareko dokumentuaren– zenbatekoa.
- Fakturaren –edo pareko dokumentuaren– jaulkipen-data.
- Fakturaren –edo pareko dokumentuaren– ordainketa-data.



- c) Diruz lagundutako jarduera finantzatu duten beste diru-sarreraren edo dirulaguntzen xehetasun-zerrenda, horien zenbatekoa eta jatorria adierazita.
- d) Diruz lagundutako jardueraren diru-sarreraren eta gastuen balantze bat, onuradunak edo entitateko ordezkariak sinatuta; sinatzailea identifikatuta gelditu behar da (NAN eta izen-abizenaz).
- e) Programatutako jarduerari buruzko dokumentazio grafikoa (hala badagokio).
- f) Dirulaguntza aurrekontu bati lotuta eman bada, desbiderapenak zeintzuk izan diren, halakorik egon bada.

HIRUGARRENA.- Hitzarmen hau indarrean egongo da 2022ko abenduaren 31ra arte.

LAUGARRENA.- Udalak egingo duen diru-ekarpenaz gain, helburu bera duen beste edozein dirulaguntza edo enpresen aportazioak ere jaso daitezke, eta Udalari aurkeztuko zaion txosten ekonomikoan sarreretan azaldu beharko dira.

Hala eta guztiz ere, diru-ekarpenak (udalarenak edo beste batzuenak batuta) eta/edo bestelako sarrerak batuta ezingo dira izan inolaz ere gastua baino handiagoak.

BOSGARRENA.- Diru-ekarpena egiteko kontuan hartu diren baldintzetakoren bat aldatuko balitz, edo udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

SEIGARRENA.- Diru-ekarpena berrikusi egingo da eta egoki bada baita kendu ere, baldin eta hauetakoren bat gertatzen bada:

- a) Diru-ekarpenaren bidez bete beharreko baldintzak bete gabe gelditzea.
- b) Diru-ekarpena erabiltzea lortu beharreko helburua ez den beste helburu baterako.

ZAZPIGARRENA.- Bi aldeek konpromisoa hartzen dute proiektua gauzatzeko lanen zein bertan jasotzen diren informazio guztien konfidentzialtasuna gordetzeko; informazio hori ezin izango zaie hirugarren batzuei eman, bezeroak aurrez baimena ematen ez badu bederen. ENPRESARE elkarteak proiektua garatzean eskura dituen informazio guztien konfidentzialtasuna gordeko du.

ZORTZIGARRENA.- Ezin izango da aldaketarik egin aurkeztutako proiektuan, ez eta bertan aurreikusten den denbora baino gehiago erabili ere, aurretik udalak horretarako baimena eman ez badu.

Aldaketarik eginez gero, udalak emandako dirulaguntzaren zenbatekoa aldatu ahal izango du, bai eta emandako dirulaguntza osoa edo zati bat itzularazi ere.

BEDERATZIGARRENA. - Dirulaguntzari dagokionean, hitzarmen honetan aurreikusita ez dagoen guztirako, honako hauek aplikatuko dira: Dirulaguntzak arautzen dituen





Begarako
Udala

38/2003 Estatuko Legea, azaroaren 17koa; lege hori garatzen duen 887/2006 Errege Dekretua, uztailaren 21ekoa; eta Bergarako Aurrekontuetako Udal Araua.

HAMARGARRENA.- Alde bietako batek honako hitzarmen honetan hartutako betebeharrak edozein beteko ez balu, beste aldeak hitzarmena hautsi ahal izango luke, eta kalte-ordainak eskatu.

HAMAIKAGARRENA.- Hitzarmen hau sinatzen denetik aurrera 2021eko azaroaren 25ean sinatutako hitzarmena indargabetuta geratzen da eta hitzarmen honek ordezkatzen du.

Eta adostasun froga gisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dut.



Izpta.: Ainhoa Lete Zabaleta
Begarako Alkatea

Izpta.: Xabier Berasategi
Enpresare elkarteko Lehendakaria

Izpta.: Mª Concepcion Ugalde
Idazkaria

